

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 12. stav (1) i (4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20), Vlada Kantona Sarajevo, na 31. sjednici održanoj 03.09.2020. godine, donijela je

ODLUKU

I

Daje se saglasnost Kantonalnoj upravi civilne zaštite Kantona Sarajevo, da članovima Štaba civilne zaštite Kantona Sarajevo vrši redovno plaćanje mjesečne naknade za njihov rad u navedenom Štabu.

II

Za realizaciju ove Odluke zadužuje se Kantonalna uprava civilne zaštite Kantona Sarajevo i Ministarstvo finansija Kantona Sarajevo, svako u okviru svojih nadležnosti.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-33615-34/20

03. septembra 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 137. stav (6) tačka 2) Zakona o zaštiti od požara i vatrogastvu ("Službene novine Federacije BiH", broj 64/09), Vlada Kantona Sarajevo, na prijedlog Kantonalne uprave civilne zaštite Kantona Sarajevo, na 31. sjednici održanoj 03.09.2020. godine, donijela je

ODLUKU

O USLOVIMA I NAČINU KORIŠTENJA FINANSIJSKIH SREDSTAVA IZ PREMIJE OSIGURANJA IMOVINE OD POŽARA I PRIRODNIH SILA I SREDSTAVA OD NAPLAĆENE FUNKCIONALNE PREMIJE OSIGURANJA, KOJA SE ODNOSI NA OSIGURANJE MOTORNIH VOZILA

POGLAVLJE I. OSNOVNE ODREDBE

Član 1. (Predmet odluke)

Ovom odlukom utvrđuju se uslovi, kriteriji, prioriteti i način korištenja finansijskih sredstava ostvarenih po osnovu naknade iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila, propisana članom 137. stav (1) Zakona o zaštiti od požara i vatrogastvu ("Službene novine Federacije BiH", broj 64/09), za koje je odgovorna Kantonalna uprava civilne zaštite Kantona Sarajevo (u daljnjem tekstu: Uprava).

Član 2.

(Vođenje, planiranje i akumuliranje sredstava)

(1) Sredstva iz člana 1. ove odluke (u daljnjem tekstu: vatrogasna sredstva), koja pripadaju Kantonu Sarajevo (u daljnjem tekstu: Kanton) vode se na posebnom transakcijskom računu, otvorenom kao podračun u okviru

jedinstvenog računa Budžeta Kantona, na budžetskoj poziciji 29010001.

- (2) U cilju pravilnog evidentiranja i korištenja vatrogasnih sredstava, Uprava je dužna ta sredstva planirati u okviru organizacionog koda nosioca planiranja, na godišnjem nivou, u Budžetu Uprave na pozicijama prihoda i rashoda u skladu sa instrukcijom za izradu Budžeta koju dobiju od Ministarstva finansija Kantona Sarajevo.
- (3) U skladu sa članom 137. stav (4) Zakona o zaštiti od požara i vatrogastvu, sredstva na transakcijskom računu iz stava (1) ovog člana, koja nisu potrošena ne gase se istekom kalendarske (fiskalne) godine već se akumuliraju sa sredstvima koja se prikupljaju u toku naredne godine i njima se raspolaze u skladu sa ovom odlukom.

Član 3.

(Raspored sredstava koja pripadaju Kantonu)

Vatrogasna sredstva koja u skladu sa članom 137. stav (3) Zakona o zaštiti od požara i vatrogastvu pripadaju Kantonu, raspoređuju se tako da 90% pripada Upravi za zajedničku profesionalnu vatrogasnu jedinicu Kantona (u daljnjem tekstu: PVJ), a 10% za formirane dobrovoljne vatrogasne jedinice u dobrovoljnim vatrogasnim društvima na nivou Kantona Sarajevo.

POGLAVLJE II. NAMJENA, USLOVI, PRIORITETI I NAČIN KORIŠTENJA VATROGASNIH SREDSTAVA KOJA PRIPADAJU UPRAVI

Član 4.

(Namjena vatrogasnih sredstava koja pripadaju Upravi)

Vatrogasna sredstva koja pripadaju Upravi, mogu se koristiti isključivo za namjene koje su utvrđene u članu 137. stav (5) Zakona o zaštiti od požara i vatrogastvu i to za:

- nabavku vatrogasne opreme, tehničkih i drugih sredstava za vatrogasnu jedinicu, što podrazumijeva, opremanje PVJ neophodnom opremom, tehničkim i drugim sredstvima, koja su posebnim propisima ili projektima od zajedničkog interesa utvrđena kao obaveza ili minimum neophodan za izvršavanje zadataka iz djelokruga njenog rada;
- stručno obučavanje i osposobljavanje vatrogasaca, što podrazumijeva provođenje planiranih aktivnosti na stručnom obučavanju i osposobljavanju pripadnika PVJ tokom godine, a odnosi se na njihovo pripremanje, obuku i vježbe, te polaganje stručnih ispita, na način i po programu utvrđenim zakonom i drugim propisima iz ove oblasti;
- održavanje opreme i vatrogasnih sredstava namijenjenih za upotrebu u akcijama zaštite od požara, što podrazumijeva neophodno održavanje opreme i vatrogasnih sredstava koja su nabavljena i koje koristi PVJ, kako bi ista bila u funkciji za propisane namjene;
- investicionu izgradnju i opremanje objekata za potrebe vatrogasnih jedinica, što podrazumijeva isključivo izgradnju i opremanje objekata koji su u neposrednoj vezi i funkciji smještaja, rada i funkcionisanja PVJ.

Član 5.

(Iznos vatrogasnih sredstava u procentima)

- (1) Za namjene iz člana 4. tačka a) ove odluke može se izdvojiti do 65% ukupno prikupljenih i raspoloživih vatrogasnih sredstava, kojim raspolaže Uprava.
- (2) Za namjene iz člana 4. tačka b) ove odluke može se izdvojiti do 10% ukupno prikupljenih i raspoloživih vatrogasnih sredstava, kojim raspolaže Uprava.
- (3) Za namjene iz člana 4. tačka c) ove odluke može se izdvojiti do 5% ukupno prikupljenih i raspoloživih vatrogasnih sredstava, kojim raspolaže Uprava.
- (4) Za namjene iz člana 4. tačka d) ove odluke može se izdvojiti do 20% ukupno prikupljenih i raspoloživih vatrogasnih sredstava, kojim raspolaže Uprava.

Član 6.

(Preraspodjela sredstava)

U cilju jačanja sistema zaštite od požara i vatrogastva i namjenskog trošenja vatrogasnih sredstava koja pripadaju Upravi, u slučaju kad postoje očit i adekvatno dokumentovani razlozi, može se vršiti međusobna preraspodjela procenata utvrđenih u članu 5. ove odluke, na način da se povećaju sredstva na poziciji koja je u tekućoj godini prioritet, a da se istovremeno smanje sredstva na drugim pozicijama.

Član 7.

(Prioriteti za korištenje sredstava)

Uprava na osnovu iskazanih potreba i raspoloživih vatrogasnih sredstava, koja pripadaju Upravi, utvrđuje prioritete za korištenje tih sredstava.

Član 8.

(Godišnji plan korištenja vatrogasnih sredstava)

- (1) Korištenje vatrogasnih sredstava koja pripadaju Kantonu vrši se na osnovu godišnjeg plana korištenja tih sredstava.
- (2) Godišnji plan vatrogasnih sredstava Kantona donosi se za svaku budžetsku godinu i sadrži:
 - a) pregled vatrogasne opreme, tehničkih i drugih sredstava po vrsti i količini, koja se planiraju nabaviti za PVJ iz ovih finansijskih sredstava;
 - b) aktivnosti koje se planiraju finansirati u tekućoj budžetskoj godini iz vatrogasnih sredstava, a odnose se na pripremanje, obuku i vježbe, te polaganje stručnih ispita pripadnika PVJ;
 - c) planirane aktivnosti na održavanju opreme i vatrogasnih sredstava namijenjenih za upotrebu u akcijama zaštite od požara, koja su nabavljena i koje koristi PVJ;
 - d) sve projekte na izgradnji i opremanju objekata za potrebe PVJ koji se planiraju finansirati u tekućoj budžetskoj godini iz vatrogasnih sredstava;
 - e) sve druge aktivnosti koje se namjeravaju tokom godine finansirati iz vatrogasnih sredstava u skladu sa Zakonom o zaštiti od požara i vatrogastvu i ovom odlukom.
- (3) Godišnjim planom vatrogasnih sredstava Kantona, vrši se preraspodjela tih sredstava i utvrđuju prioritete za njihovo korištenje iz člana 6. i 7. ove odluke.
- (4) Vatrogasna sredstva utvrđena za namjene iz ove odluke, moraju biti sastavni dio planske projekcije Budžeta

Kantona, na osnovu kojeg Uprava donosi Godišnji plan vatrogasnih sredstava Kantona.

- (5) Evidenciju korištenja vatrogasnih sredstava vodi Uprava.

**POGLAVLJE III. KRITERIJI ZA DODJELU
VATROGASNIH SREDSTAVA DOBROVOLJNIM
VATROGASNIM JEDINICAMA FORMIRANIM U
DOBROVOLJNIM VATROGASNIM DRUŠTVIMA NA
NIVOU KANTONA**

Član 9.

(Kriteriji za dodjelu vatrogasnih sredstava dobrovoljnim vatrogasnim jedinicama)

Pri dodjeli vatrogasnih sredstava iz člana 3. ove odluke dobrovoljnim vatrogasnim jedinicama formiranim u dobrovoljnim vatrogasnim društvima na nivou Kantona, primjenjivat će se kumulativno slijedeći kriteriji:

- a) dobrovoljno vatrogasno društvo mora biti registrovano i imati sjedište na području Kantona, gdje se kao dokaz o istom prilaže rješenje u opisu u registar udruženja;
- b) dobrovoljna vatrogasna jedinica mora biti formirana u dobrovoljnom vatrogasnom društvu, gdje se kao dokaz o istom prilaže rješenje ili drugi odgovarajući dokument kojim se dokazuje da je ista formirana;
- c) u sastavu dobrovoljne vatrogasne jedinice mora biti formacija od minimalno deset vatrogasaca i vatrogasaca-vozača sa položenim ispitom za dobrovoljnog vatrogasca, gdje se kao dokaz o istom prilaže ovjerena izjava odgovornog lica u dobrovoljnom vatrogasnom društvu sa spiskom pripadnika te jedinice;
- d) u sastavu dobrovoljne vatrogasne jedinice mora biti minimalno jedan vozač-vatrogasac sa položenom vozačkom dozvolom "C" kategorije, gdje se kao dokaz o istom prilaže ovjerena fotokopija vozačke dozvole;
- e) u sastavu dobrovoljne vatrogasne jedinice mora biti minimalno jedan komandir koji ima položen ispit za rukovodioca akcije gašenja požara, gdje se kao dokaz o istom prilaže ovjerena fotokopija uvjerenja o položenom ispitu za rukovodioca akcije gašenja požara;
- f) dobrovoljna vatrogasna jedinica mora posjedovati:
 - 1) minimalno jedno vatrogasno vozilo, gdje se kao dokaz prilaže ovjerena fotokopija saobraćajne dozvole;
 - 2) opremu za gašenje šumskih i drugih požara, gdje se kao dokaz prilaže spisak opreme, ovjeren od strane odgovornog lica u dobrovoljnom vatrogasnom društvu;
 - 3) prostorije za smještaj ljudi, vozila i opreme, gdje se kao dokaz prilaže dokaz o vlasništvu ili ugovor o korištenju objekta ili objekata, odnosno drugi odgovarajući dokumenat kojim se potvrđuje da se objekat koristi u ove svrhe;
 - 4) ličnu zaštitnu opremu za vatrogasce, gdje se kao dokaz prilaže spisak lične zaštitne opreme minimalno za deset vatrogasaca, ovjeren od strane odgovornog lica u dobrovoljnom vatrogasnom društvu.

Član 10.

(Dodjela vatrogasnih sredstava dobrovoljnim vatrogasnim jedinicama)

- (1) Uprava vrši svake godine dodjelu vatrogasnih sredstava iz člana 3. ove odluke podjednako na sve dobrovoljne vatrogasne jedinice formirane u dobrovoljnim vatrogasnim društvima na nivou Kantona, a koje ispunjavaju uslove u skladu sa kriterijima utvrđenim u članu 9. ove odluke.
- (2) Vatrogasna sredstva iz stava (1) ovog člana dodjeljuju se dva puta tokom godine na žiro račun dobrovoljnih vatrogasnih društava u kojima su formirane dobrovoljne vatrogasne jedinice, i to na način da se prva tranša dodjeljuje do 30. juna tekuće godine, a druga tranša do 31. decembra tekuće godine.

Član 11.

(Poziv za dostavljanje dokaza o ispunjavanju kriterija)

- (1) Uprava će prije dodjele vatrogasnih sredstava iz člana 10. ove odluke jednom godišnje objaviti javni poziv na web stranici Uprave www.kucz.ks.gov.ba, u kojem će biti detaljnije definisani rokovi za dostavljanje dokaza o ispunjavanju kriterija dobrovoljnih vatrogasnih jedinica formiranim u dobrovoljnim vatrogasnim društvima.
- (2) Javni poziv iz stava (1) ovog člana će biti otvoren najmanje deset dana.
- (3) Direktor Uprave će posebnim rješenjem formirati komisiju od tri (tri) člana, koja će razmatrati pristigle prijave i sačiniti prijedlog odluke za dodjelu vatrogasnih sredstava za dobrovoljne vatrogasne jedinice formirane u dobrovoljnim vatrogasnim društvima na nivou Kantona, a koje ispunjavaju uslove u skladu sa kriterijima utvrđenim u članu 9. ove odluke, odnosno u skladu sa objavljenim javnim pozivom.

Član 12.

(Izvještaj o utrošku vatrogasnih sredstava)

Izvještaj o utrošku vatrogasnih sredstava iz člana 10. ove odluke, dobrovoljna vatrogasna društva u kojima su formirane dobrovoljne vatrogasne jedinice dostavljaju Upravi, najkasnije do kraja mjeseca februara tekuće godine, za prethodnu godinu.

Član 13.

(Namjena vatrogasnih sredstava koja pripadaju dobrovoljnim vatrogasnim jedinicama)

Vatrogasna sredstva koja pripadaju dobrovoljnim vatrogasnim jedinicama formiranim u dobrovoljnim vatrogasnim društvima na nivou Kantona, mogu se koristiti isključivo za namjene koje su utvrđene u članu 137. stav (5) Zakona o zaštiti od požara i vatrogastvu, odnosno za namjene utvrđene u članu 4. ove odluke.

POGLAVLJE IV. PRIJELAZNE I ZAVRŠNE ODREDBE

Član 14.

(Izvještaj o prikupljanju, raspodjeli i korištenju sredstava)

O prikupljanju, raspodjeli i korištenju vatrogasnih sredstava, Uprava podnosi godišnji izvještaj Vladi Kantona najkasnije do 30. aprila tekuće godine za prethodnu godinu, koji sadrži:

- a) pregled vatrogasne opreme, tehničkih i drugih sredstava po vrsti i količini, koja su nabavljena za PVJ iz ovih finansijskih sredstava;

- b) aktivnosti koje su finansirane iz vatrogasnih sredstava, a odnose se na pripremanje, obuku i vježbe, te polaganje stručnih ispita pripadnika PVJ;
- c) aktivnosti na održavanju opreme i vatrogasnih sredstava namijenjenih za upotrebu u akcijama zaštite od požara, koja su nabavljena i koje koristi PVJ;
- d) sve projekte na izgradnji i opremanju objekata za potrebe PVJ, koji su finansirani iz vatrogasnih sredstava;
- e) sve druge aktivnosti koje su finansirane iz vatrogasnih sredstava u skladu sa Zakonom o zaštiti od požara i vatrogastvu i ovom odlukom.

Član 15.

(Stupanje na snagu)

Ova odluka stupa na snagu danom objavljivanja u "Službenim novinama Kantona Sarajevo".

Broj 02-04-33615-32/20
03. septembra 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 17. stav (3) Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", br. 10/20, 18/20 i 29/20), Vlada Kantona Sarajevo, na 59. vanrednoj sjednici održanoj 01.09.2020. godine, donijela je

ZAKLJUČAK

1. Odobrava se preraspodjela sredstava u Budžetu Kantona Sarajevo za 2020. godinu u iznosu 150.000,00 KM, i to:

Raz	Glava	Potr jed.	Ekon. kod	Subana-litika	Funkcija	OPIS	Iznos
						Sa ekonomskog koda (budžetska sredstva)	
14	01	0001				Ministarstva saobraćaja dKantona Sarajevo	
14	01	0001	6144	EAO010	107	Subvencija za javni prevoz	150.000,00
						Na ekonomski kod (budžetska sredstva)	
21	01	0001				Ministarstvo za obrazovanje, nauku i mlade Kantona Sarajevo	
21	01	0001	6143	LAN0Q6	091	Tekući transferi neprofitnim organizacijama predškolsko i osnovno obrazovanje	150.000,00

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-33386-3/20
01. septembra 2020. godine
Sarajevo

Premijer
Mario Nenadić, s. r.